

容齋詩集

容叅詩集卷十二

縣上茹綸常文靜

綿上集

昭陽大荒落

綿山去城不百里而欲遊未果癸巳初夏始
獲同竹泉蕙圃熙如曉園松畹信堂思白麟
書諸君子一往遊焉於戲鄉里且然況異地
哉斯可愧已

成樗園孝廉枉過贈詩用韻酬之

漫惜知音少如蘭臭自同到門能小住

用林懷刺宗事

喜初通逸氣排雲上新詩織錦工壯遊更西邁吾

欲問秦風

時樗園將遊關中

送王素亭之濟南

楊柳纒堪折春風又送君
將誰汾水上一望海東雲

春日有懷江五夢艸

憶從佳會挹清華

余與夢艸初會於蘭谷座中

室邇那堪悵更

遐夢裏自應誇謝艸筆端真許艷江花埋頭書卷

官衙靜

夢艸爲清湖明府西席

入耳錫簫縣市譁何日論文

重接席一甌閒品雨前茶

宋奎聚招看杏花三首

綠楊如幕艸如茵樽酒招尋又故人恰是清陰天
氣好午橋紅杏十分春

映水烘雲一萬株風光猶憶舊時無

廿年前張良村杏花最盛

土人以妨於稼也多伐之愛他欲白仍紅處便是徐家沒骨圖
繪事

輕霞疊疊錦差差故故飛英撲酒卮可惜我來成
爛漫好花未見半開時

春日過佳興園

殘紅遙趁馬蹄繁恰值新晴景物暄問字纔過揚
子宅

昨過帷園

看花又到辟疆園皺來春水風無賴沐

後青山雨有痕最喜故人招近局更番留取伴清樽

高霽夫孝廉招集南邨園聽歌卽席漫成
名園招客欸松關太瘦還慚酒借顏欲倚文篇和
白紵漫鈎踈箔看青山多情亦自難爲醒小病依
然未得閒蘇詩因病得閒殊不惡時余方患
胃痛然疲于人事不能靜攝也却愛
風光三月閏時閏三月藤花飄蕩鳥綿蠻

送王清湖明府入覲二首

馴雉之推里飛鳧郭隗臺天連閭闔近山傍土門
開蔽芾棠留蔭風雲鶴有媒卽今思借寇竹馬待

重來

已是春歸日偏當送遠時山城誰折柳驛路獨題
詩瀟酒陶彭澤風流陸浚儀應知匆別後百倍起
離思

將遊綿山過忌坂欲觀西歡秦栢不果
近矚西歡邨遠踏南山路谷口聞溪喧山腰看雲
度眷言秦時栢徘徊不能去

廻鑾寺

我愛廻鑾寺蕭然遠世喧地偏聞虎嘯樹老見龍
蹲夾路溪聲轉連山野色昏翠華遊幸處空有斷

碑存

寺傳唐太宗巡幸軼事
然碑碣漫滅已不可讀

由廻鑾寺至曉園谿底別業留宿

與客過山寺從人問水源草痕青沒屐樹色綠連
邨萬籟憑高得多欣卽事存奚囊詩句在好共一
樽論

曉自溪底入綿山十里足力倦甚小憩圓
通庵

晨興理遊屐迤邐入山路峻坂列嶮岈危梯莽廻
互指顧俯介林蒼茫辨烟樹登高氣自怯臨深心
轉怖况當精力疲石子常跼步振策過招提啜茗

聊小住心氣漸和平
翻若得禪悟始知蹶與趨亦
囿於所遇惟險乃卽夷
非迫胡見裕獨慚輸許
棧不兼濟勝具

綿山道中望介林

躡屐綿山巔
巖然肆遐眺
鬱鬱介林松
烟霧半縹緲
瀰漫氣自適
陰森青未了
遲徊意不盡
鐘聲出林表

塔巖頭感懷梁秋谷王田夫二先生卽用
梁韻

振衣初上塔巖頭
風景那堪問舊遊

二君丁未遊
綿於此有晚

詩眺宿草只今悲往劫青山終古屬詞流千層石磴
盤空險十里雲峰入望幽最是昔年吟賞地蒼蒼
野色晚來道

石乳泉

卽蜂房泉

甫入望峰門陡覺萬壑幽懸崖瀉紅泉古木風飈
颭石溜山骨見雲竇苔痕留惟時屆仲夏清冷疑
深秋或烹陸羽茶或被嚴陵裘我來一嗽齒一瓢
夫何求

白雲洞題壁

徑絕廻丹巘巖深宿白雲偶來成小憩已自遠塵

氛

雲峰寺

又名抱腹岩

山行不厭險山境不厭深況復有嘉侶招手同探
尋鳥道入山腹雲窟恣登臨空巖天半傾上方晝
長陰象妙難標舉丹閣何蕭森天花散自昔佛日
輝於今因知祇樹園布地皆黃金惟予愧鈍根空
懷塵外心何當畢婚嫁卜築綿山岑

自雲峰晚過白雲洞對月

朝登抱腹岩暮宿白雲洞空林自往還青山與迎
送月色上諸峰濛濛烟樹衆相對寂無言坐慚伊

蒲供

綿山歸途中長句紀遊

俗眼朝朝混城市百年幾見好山水綿田忌坂道
非遙肯使名山遺鄉里一朝發興事幽探挈伴携
筇來迤邐入山十里氣蒼茫确犖谿舂並可喜無
地真愁衆壑深挿天益怵羣峰峙山花澗草垂纈
紛古剝名藍供倚徙斷崖冥冥朝烟青絕壁沉沉
暮霞紫就中吾愛石乳泉雲竇涓涓瀉清泚抱腹
岩更稱雄奇百丈欹危自無始龍湫石洞夏生寒
鐵瓦

寺名銀公

名涇陰未已固知靈域非易窮快遊誰

復嘆觀止芒鞋竹笠奈爾何歸來猶憶叩壑美

遊綿山歸西郊以詩見寄次韻答之

遲去聲

我歸途下澤車勝遊三日夢猶賒安禪地接

牟尼寺樓隱山宜綺季家幾曲清溪邨女浣一竿

殘照酒旗斜嘔心更有奚囊句好把烟霞對客誇

南邨園卽事

陰翳當門荻畦流徑曲廻偶携長柄塵共泛故人
杯苦李因風落新荷出水開底堪秋信早蟬噪柳
邊來

佳興園卽事

別墅堪銷夏幽亭一徑開
霜衣防宿雨躡屐絕輕

埃誰削竹枝杖

凝齋削竹爲杖

同傾荷葉杯却愁仙令至

迎掃破蒼苔

聞邑侯將過園林

南邨晚歸口號

古錦囊還累小奚哦詩又過綠楊堤
煙從夕照橫時暝天向遙山盡處低
野叟坐來閒不借邨醪酤得有偏提等看撥墨倪迂畫歸路何妨信馬蹄

七夕前一日遣興

佳節催靈匹牽牛亦自花人間
蟻夢短天外鵲橋斜滑愛雕胡飯
甜思哈蜜瓜晚涼堪兀坐閭閻聽

斜

南郊晚望

遙矚古原上蒼茫落日斜連邨四五里依澗兩三家
遠岫明殘雪空林噪晚鴉何當成獨往秋思正無涯

秋杪遣懷四首用漁洋山人韻

閒齋瀟洒淨吟魂坐對黃花晝掩門冷落西風無
客至淒涼暮雨有苔痕移家漫說鳴珂里酤酒還
思下若邨兀兀三杯吾竟醉孤懷那復向人論
城頭畫角曉吹霜搖落那堪問柳塘三雅總難澆

壘塊五經安用貯巾箱畫家生面南宮米詞客前身右轄王可惜吾廬還近市喧聲時聽過前坊
幾日風光過授衣蕭條景物詎全非兩三點雨雪
初作四五枝菊花欲稀歲晚雁鳴猶未盡天空鷹
隼已羣飛鴨頭丸帖兼狸骨小病摩挲未忍違
楚楚松枝亦可憐博山幾縷裊沉烟不求甚解還
開卷定自奇溫且試綿酣醉便須一千日苦吟遂
爾十三年予詩自庚辰以後始存稿底堪把玩都陳跡只有清
霜滿鬢邊

題畫

詩情逸似林君復
函品高於吳仲圭
可惜梅花風雪裏
更無人過野亭西

寄嘉善曹慈山先生

過江風雅漫評量
南望心知屬魏塘
老去經傳秦

博士歸然人重魯
靈光漱秋

屋名

小試來禽帖依綠

軒閒抄種樹方最
是高懷容問字一
編曾記遠相

將予曾以拙集
就正先生

寄朱飽雨二首

春明回首憶追攀
倦翮逢秋取次還
浮白心情樽

塵外軟紅車馬市
朝間雙芝

君集名

翻水增新咏兩

鬢飄蓬失舊顏何日分湖理遊屐從君同看浙西山

詩筆知今更老成高懷真合賦閒情孝廉船泊名

流重方伯棠留奕世榮

謂君先公方伯公也

博學終教推秀

水

竹垞

代興誰許繼新城

漁洋

諸賢莫道多零落好與

曹公

山慈

共主盟

送任竹居之南陽

東籬殘菊欲謝庾嶺早梅正開寄遠書還未達

時將

寄書

飽雨送人詩又新裁無多客路紅葉有限離亭綠

杯此去咏懷古跡翫龍好上高臺

秋雨旅舍偶檢書帙見容叅送余南行詩

追次原韻

任大庫

池中茵蔯花謝墻畔木樨蕊開積雨荒堦未掃
秋風白袂新裁消閒偶檢書帙解悶頻傾玉醅
雜咏故人秀句追攀如隔層臺

送張鵠亭歸秦中

送客長亭柳懷人驛使梅渭城詩總好只是勸離
杯

歲暮感懷

百感殘年殢青燈罷勘書名場無退谷業海有歸

墟病覺吟情減
迂看世故踈
此生長自棄
那更惜
三餘

容叅詩集卷十二

容齋詩集卷十三

綿上茹綸常文靜

三餘吟藁

開逢敦牂

謂病餘睡餘醉餘也非是則俗客溷之塵事
參之牧豬奴戲或奪之催租人至且敗之矣
又安所得吟乎覽此詩者倘代爲解嘲其亦
比於歐陽公之三上可耳

病餘

春思恹恹滯病餘眼前藥裏詎全踈帶頻移孔常
驚瘦髮不勝簪久廢梳更事欲刪齊物論就衰擬

讀書養生書閉門却笑枯禪似尚有閒情未破除

睡餘

未熟黃梁耐睡餘黑甜真欲傲華胥注經但飲三
爰足授筆空疑五色虛撲帳楊花同漠漠到窓蝴
蝶共遶遶閒來札闔君休笑鼠穴何人惑盡祛

醉餘

軟飽三杯又醉餘陶然那復計瓶儲酒腸應別宜
狂藥腹笥惟便貯異書讀書我嫌寒具手問奇誰
過野人居就中白眼愁無着愛看閒雲自卷舒

乍暖

乍暖纏堪試袷衣，懶將詩句送春歸。
閒門鎮日無人到，只有楊花似雪飛。

曉起

曉起臨堦除落紅，紛難數昨夜夢中聲。
幾點桃花雨。

謝曉園惠櫻桃

細瀉朱櫻萬顆勻，炎天詎意又嘗新。
賜霑紫禁慚無分，相贈惟應有故人。

題王抑亭比部畫竹便面

襪材謝幕傲清風，勞夢想寄茲聚骨扇。
恍聞遞遞。

響

過帷園卹居道中卽目

瀟酒城東路巾車此又過稻田新雨足絺服早涼
多綠暗連卹柳紅翻出水荷好尋綺里季一聽紫
芝歌

時值帷園初度

卽事

一徑無人繡薜斜豆棚瓜架翠交加秋來景物閒
堪賞更買中元洗手花

三道河荷花

夾路荷香欲染衣水田漠漠樹周圍愛他泛綠浮

紅處止有蜻蜓款款飛

南邨園卽事

別墅新秋好初停白鼻騮高荷紅的歷遠岫翠交
加碍路公孫竹連畦子母瓜清樽更秉燭醉思正
無涯

風雨夜書叅同契後

風聲撼茅屋雨氣壓秋城一卷叅同契空堂欲二
更

懶放

懶放真看謝世籠酒錢那計杖頭空晨炊困指麈

牙稻午食厨供馬面菰操作日教愁健婦借書時
尚累羸童閒中更與司閭約殘客無須溷乃公

中秋同爰人對月

得月字

平生愛月色有如覲佳客况茲集素心翛然對明
月一輪輾虛空萬象呈皎潔皓采失河漢寒光墮
咫尺可惜零露濃衆芳漸銷歇物理有盈虧歲序
感超忽且欣耳目前煩踟頓蠲釋醉欲傾蟻醅狂
擬探蟾窟世事良悠悠何須挂齒頰

甲午初度

老大徒傷白髮稠那堪四十又過頭千門落木催

斜照萬里歸鴻入暮秋至竟難空詞客習比來尚
有杞人憂黃花且喜重陽近便好新醅泛瓦甌

送勞牧坪北上二首

沈寥天氣雁南還悵望飛鳬指故關斜日斷霞汾
水曲曉風殘月薊門山蕭騷衰柳增離思冷落邨
醪慘別顏最是南園叢菊好清談一倍憶追攀

前同集李惠
田南村別墅

紈扇秋風感易生

春前書
楚相贈

那堪幾日送君行漁陽

城下懷人思督亢陂邊訪古情燒尾龍門誇上第
牽絲花縣著循聲只今 畿輔看重至應有兒童

竹馬迎

君曾爲畿輔宰茲以需次北上

剪秋紗一名漢宮秋

雨團露點欲盈眸
幾處西風刀尺愁
寄語閨人須鄭重
猩紅初染漢宮秋

九日寄西郊

尚有登高興
難禁落帽風
愁多頭半白
霜早葉全紅
疎雨催叢菊
遙天急陣鴻
不知杜陵叟
誰與一樽同

訪蘭谷別墅

偶有子猷興
來過仲蔚園
秋聲黃葉路
山色夕陽

邨堦竹仍前好籬花視昔繁何當招近局更爲倒
清樽

重陽後九日同梁麓谿看菊近郊

籬落蕭蕭落葉繁更無聊賴向秋原同君雅有黃
花癖踏遍西南四五村

晚過南邨園口號

落日南邨路西風薄笨車故人知我意來又爲黃
花

南後郭村訪菊

又自衝泥淖閒吟過郭邨孤城烟外堞老圃水邊

門菊冷空塵慮苦荒聚雨痕相看茗話久歸路早
黃昏

秋杪陪勞嘉峰明府南村園看菊兼懷牧

坪

坐惜流光駛秋深百卉空苔侵三徑雨葉墮一園

風別路人初去

唐句

清樽憶昔同欣陪彭澤宰叢菊

對籬東

雨夜菊下小飲用前韻

良夜多佳興清樽詎肯空天寒梧葉雨秋老荻花
風薄俗憎迂澗孤懷感異同眼前叢菊好惆悵坐

簾東

雨夜懷帷園

無那瀟瀟雨愁中與醉中
驚心雙鬢白感舊一燈紅
歲月存松菊關山杳雁鴻
故人勞悵望寂寞下簾櫳

聞友人述蜀中山水之勝賦贈

萬里連雲棧千峰峙劍門
直愁窮地軸更欲溯江源
祠宇蠶叢古威靈石陣存
那堪生白髮惆悵夜聞猿

峽口千帆急橫衝灑瀨根
星文連翼軫江勢接襄

樊綠暗棕櫚路紅稠穠穠邨只愁望天末猶自屬

橐韃

時方用兵蠻徼

友人以轉餉歸自蜀中述其遊歷傾聽之
餘意有所感弔古懷人一時併集不僅江
山勝概如在目前也

烏道時看急羽書艱難猶憶輦軍儲南征此日愁

元振

謂妹倩郭帝揚叅戎也

更在蓬婆萬里餘

崢嶸劍閣幾追攀蜀道青天取次間輸與高君真

灑脫卽筒酒好等閒還

霽夫孝廉性嗜酒時同入蜀先還

諸葛大名垂宇宙

杜句

相如詞賦壓王揚知君萬里

橋邊過定訪成都舊草堂

白公遺蹟漫相尋

阮亭有詢白公東坡不得詩

巴子城邊江水

深記得漁洋詩句好木蓮花映水林檎

白鹽山下憶梁鴻

梁君文五前爲萬縣宰

南浦蕭蕭急晚風

莫道飛鳧仙令去清名猶自滿巴東

一葉輕舟駕短篷高栴修竹望重重水程話盡西陵路只愛巫山十二峯

西郊以余齋中佳菊頗夥皆出友人所贈

戲作見示用韻奉答

乞鄰遮莫笑微生佳色真看照眼明他日黃花微

軼事便應佳話錄侯鯖

風味連朝憶麴生坐來頻祭又詩成期君看菊重
相過更試儂家骨董羹

原作

大廩

底澆種菊如彭澤無數秋花照眼明佳色堪餐
家釀熟知君不羨五侯鯖

題唐伯虎香山九老圖用山谷韻

眼中不辨縑與紙洛下山水訝相似六如居士最
清狂画品寧復數餘子九老道貌儼高寒不知誰
是白香山高風勝事足遐想恍若置身會昌間

送侯維琛內弟北上

猶憶春前別蕭晨復送君燕山橫積雪晉壘入寒
雲望遠情難已臨岐酒易醺固知爲貧仕還念倚
門勤

冬日招諸同人集一笑山房翌日宋竹溪
三峰各有詩見寄賦此奉答用陸放翁醉
中長歌韻

草草三徑開墻東敝廬凜冽摧霜風酒人詞客次
第集一傾琥珀醇醪紅年來自笑頭早白未除結
習心猶童畫禪書聖復誰擅過眼寧訝雲烟空高

談未已燭見跋門外控立催青驄歸去長歌促相
寄光焰直欲爭長虹雄飛雌伏亦偶爾人生底事
詩能窮可惜我詩誠委瑣略如寸莛撞洪鐘

雪夜讀蘇詩用聚星堂韻

昏檠披讀纏幾葉細字牛毛若映雪雪花凌兢正
縱橫詩格森嚴真隄絕突兀老樹勢輪囷欹斜弱
竹枝磴折汝南故事已千秋惟有公名不磨滅有
才如此嗟棄捐想見當時遭肘掣只今詩卷生光
芒晃朗猶疑眩眼纈藉非巨手如歐陽出一頭地
公豈屑徘徊寒夜發長嘆雪泥鴻爪付飄瞥特出

奇麗艱難中白戰我還宗是說詩成門外雪正深
潑水衾裯冷於鐵

小至日偶作

添線日初長于貉寒逾勁恰值陰陽爭豈惟風雪
橫我時耽深居一榻疑小病耳目絕外緣詩書適
本性敢云慕高尚聊以免趨競弱子恐終慚缺妻
或能敬竊幸酒戶增陶然時中聖

述懷用東坡寄傲軒韻

我年四十一齒危鬢已禿元晏千卷書重川數椽
屋少小有高懷所慚永絕俗年來衆中趨動復關

羈辱浪擲曾幾時光陰驚轉數遭非死州八逸謝
竹溪六鼓腹安草茅微分亦云足當暑具絺綌御
冬有青蠶三復柴桑詩日傾中山醪醫師收敗鼓
匠伯遺散木始知不勢苗不如夷羿熟

長句代簡招西郊

我住城東君城西過從旬朔猶相稽未審眠食定
何似只憑新詩馳赫蹏我詩委瑣詎足道君詩古
淡真難齊憶昨交君與王董謂田夫惟圖論詩爲我開
沉迷有如安轡適遠道跋鱉直欲追騶驪又如嶮
巖阻千仞足繭安得窮攀躋迄今王死董已老維

君尚健餐寒齏比年我亦卽衰病面目枯槁成微
顰值茲朔風號歲暮門外積雪盈田畦百年幾何
不爲樂此生真許嗤醯雞米家書畫足鑒賞蔣徑
松竹堪評題赤脚聊爾供驅遣素心要使無乖睽
明朝家釀適新熟共君一引銀留犁

冬至後四日招西郊蘭谷麓谿曉園芝田
小集言息廬用梅都官永叔內翰見過韻
卽用其首句

我居城東隅窮冬人事少且喜故人來門不題凡
鳥入座清言腴映堦殘雪皎斟酌罄醇醪盤餐雜

餅麪慷慨念平生俗緣苦繳繞豈不策駑駘何能
及驟褻博聞謝旁搜講學慚遠紹允矣諸君子自
好皆矯矯屢勉敦明德要當絕紛擾

寒夜獨酌有懷西郊

寒城沉擊析淒風鳴紙窓鑪灰且旋撥一燈剔幽
缸維時罷披讀餘事及罌缸亦既有酒肴詎如坻
與江興酣復命筆頽唐語紛囈詰屈才易盡縱橫
意未降宵警慮肱篴瞿然聞吠犬近頽爲肱篴
擾故戲及之詩
成夜何其空懷鹿門龐

寒夜詩成遂不成寐因復有作寄西郊

懷人耿不寐徒聽晨鐘撞君詩似東野我孤慚西
江淺陋曹與鄣安能抗大邦偏師偶自矜遂一交
矛鏃固知螽難測敢云鼎可扛吾儕憊雕蟲世情
險尋幢長喟撫綈几孤懷托寒缸骨相縱窮薄要
亦殊愚憊人生貴適意豈皆建麾幢釵頭撿旗槍
缸面親峯鑊會當事未耜買田四十雙石徑通路
約茅屋依崆峒達希步兵阮禪參居士龐或薦青
赤莧或煮紅白豉非但謝塵俗且可安敦龐他時
君過我喜聞足音登

次韻酬西郊戲簡之作

詩中有三昧其微那可道陶韋淡彌旨韓孟險獨
造譬如燕與環豐減各妍妙願我兩失之每虞遺
訕笑聊爲瓦礫投遂獲瓊琚報君言近滑稽固應
屬興到

原韻

大廩

近屢和瓊章如歷山陰道險韻何曾逃古調能
自造雪中白戰酣寒夜清言妙致師吾豈敢弱
敵君方笑定有幼婦詞還須老人報聳待已多
時昂然應來到

偶作

小閣低窓稱敞廬一杯好向黑甜餘御冬旨蓄雞
腔笋卒歲盤餐鳳足菹癖性我還耽覓句重貲人
每笑收書何常更就宗雷社萬事真看付六如

除夕雪霽漫感用東坡韻

薄雪晴時殘臘盡疎梅放日朔風嚴杯蛇笑我還
防酒市虎愁人更築鹽春帖新裁紅映戶霜松乍
樹碧齊檐介俗除夕前皆以松樹卓立院中故交節物勞相餉竹
箸新開試蕊尖茗名時帷園西郊皆惠佳茗

容叅詩集卷十三

容齋詩集卷十四

綿上茹綸常文靜

古芸書屋集

旃蒙協洽

余性嗜書雖未知於古人書淫左僻何如而
廿年中多方購覓及先世所遺者亦幾夥矣
乙未春復於言息廬之東偏舊舍顏曰古芸
書屋以爲藏書之所嗜固未已也他日者青
燈四庫優游於縹緗卷帙間則亦將漁獵羣
芳陶溶衆有成一家之言以無負夙志不然
彼蠹簡塵編多又奚爲也

人日雷雨蒼廣文座中同西郊賦

追錄王辰舊作

廣文官冷開鱸堂人日高會傳春觴別室不嫌類
舟小到客翻訝如邛長笑語更引江湖興花信風
急催勾芒南陌北陌春正好柳色欲放驚兒黃眼
底何人苦區別坐令故態嘲踈狂朝憐寂寞烏衣
巷暮見狼藉青樓倡

指邑中近事

身是杜陵一男子爲

耶何必羞馮唐白頭龍鍾三十九老我竟似尚書

王

漁洋詩龍鍾三十
九白盡老夫頭

春夜感舊

酒渴香銷夜向闌短檠相對怯春寒到窻月色光

初皎繞樹棲烏夢不安往事悔教從借箸故人虛
省勸加餐底湏起舞雞聲裏淚漬多年枕上看

聞雷

失箸都緣爲震驚人間底處問嘉榮年來燒尾應
無分懶聽春雷第一聲

春思

最愛韶光二月時春蕪漠漠柳絲絲
墊巾雨蝕林宗墓禁火人過介子祠
巢燕重來知社近紙鷲初漾看兒嬉
憑誰更問穠莼李酒冷香殘有所思

清明前三日感懷寄惟園

又聽簫聲喚賣餠困人天氣欲清明新烟疎雨三
眠柳暖日條風百轉鶯往事略如春夢杳世情真
似紙鳶輕憑君莫問弓蛇事且自陶然近酒觥

落花

幾番風雨妬芳菲墜白飄紅到處飛金谷淒涼無
客至畫欄寂寞又春歸當杯共惜情無賴落溷從
知事已非最是韶光勞悵望漫空輕絮尚依稀

雨窓卽事用西郊韻

自汲寒泉注硯蟾只慚才盡似江淹閒門少客青
苔長明鏡多愁白髮添老去人情看爛熟懶從詩

語門新尖晚窓更試三錢筆急雨時聽瀉短檐

原作

大廩

抱殘何必盡牙籤料峭東風不捲簾應候愛聽

禽覘曉及時喜見雨廉纖聞蛾火盛心猶憶

前元

宵燈火

睡鴨香銷手自添試問長堤綠楊柳愁

眉新展幾分尖

和西郊見簡兼懷帷園之作

五字長城意最恬偏師偶襲詎曾嫌黠癡似我原
相半師及於君固自兼漫說陳思才八斗誰酬皇
甫字三綠

君時賣文自給

赫蹏試寄帷園老險韻詩篇好

共拈

原作

大廩

稠人愁對口如箝拙鈍惟君不我嫌
月底酒酣杯共把花間詩夥韻分拈
看書只解時憑几賣卜誰能日下簾
離索兼懷窮老友田園斤盡意

偏恬

謂惟
圖

月之七日春將歸矣作送春曲

送春春將歸知春何處去但見楊柳花漫空作飛

絮

田家

一水宛衣帶四山皆畫圖樹深鳩喚婦沙淨鴨將雛
社鼓迎田祖靈祠賽女巫更欣官稅了比戶少追呼

初夏過劍虹齋卽目

說詩軒北石欄東竹樹陰陰散曉風莫惜相過春
已去一枝猶見鼠姑紅

過帷園

麥秋梅雨連朝劇草閣松風入座清七十六翁真
好事小窓常有讀書聲

題楊升菴先生丹鉛錄三首

痛哭曾聞撼紫宸南遷魑魅日爲鄰可憐花角諸
蠻徼爭識中朝第一人

六朝風格最清華綜博猶堪擅百家獨有忠魂招
未得何人爲弔賈長沙

終古才人嘆數奇風烟六詔更堪悲金雞空有刀
環約腸斷閨中錦字詩

謝曉園拆贈芍藥

淡施園林花事稀烟紅露粉未全非多君屢日能
相贈那羨維揚金帶圍

曉園招集南邨園却寄

谿山觴咏君新擅泉石評題我舊詩最愛連蜷藤
蔭好草堂西北水亭南

七夕後二日蘭谷招集佳興園漫成

莓苔風雨舊詩留

石湖句

樽塵依然集勝流老去入

山思董養

帷園時將入山

秋來看竹憶王猷

謂田夫

虛亭曲

徑濃陰合清簾踈簾溽暑收却嘆連邨當暴漲瀦

淹望處欲生愁

時諸邨落多罹水患

新秋書懷用前韻

溽暑將徂但少留驚看大火已西流閒情我愛陶
元亮禪悅誰忝帛道猷長物早教隨手盡好書難

得稱心收豆棚瓜架逢新霽濁酒猶堪散積愁

五雜組

五雜組戀花蝶徃復還渡江楫不得已且彈鋏

五雜組負嵎虎徃復還失穴鼠不得已思樂土

五雜組連錢驄徃復還摩霄鴻不得已隨狙公

五雜組山殍爛徃復還水滂潏不得已學閉關

五雜組刺繡紋徃復還行雨雲不得已近婦人

五雜組長命縷徃復還洛陽賈不得已絳灌伍

西郊七十初度詩以祝之

蕭蕭葛屨及新涼漫惜年華七十強世有書香安

且吉家無銅臭壽而康閒從子舍呼同坦先生孫名醉
倚花前喚索郎更羨詩壇聲價在長城五字屬交
房

小立

小立當風怯薄羅眼前蔓草漸成窠孤花艷艷經
秋好踈雨蕭蕭向晚多書卷未拋詩思減樽罍常
博酒顏酡街頭莫惜增泥淖久已閒門少客過

秋日集曉園南邨別墅卽事二首

猶有高荷覆水開憑君更製碧筩杯紫菱紅蓼紛
秋色只少風標公子來

墜粉飄烟暗綠蕪藕塘踈雨接菰蒲水鄉風味江

南思

漁洋句

好倩丹青崔白圖

和韻

大廩

老來紅畔蓼花開想見歡傳罄落杯也欲南邨

看秋色後堂無那戴彭來

是日諸門人祝予生辰未赴

踈雨輕烟景又殊蘼蕪傍水雜香蒲江南風味

披詩見不藉徐黃好手圖

集蘭谷敦說草堂漫成

裙屐當筵又一時西風簾外雨如絲垂髫往事迷

鳴爪

余十餘歲時曾謔集草堂

投老閒情愛酒卮醉墨君爲張

旭草清秋我唱杜娘詩衝泥却值車公去

帷圖
早歸雲

樹蒼涼有所思

送張鵠亭山長歸關中仍用前韻

剪撤臯比挽莫留離筵觴咏劇風流高曾世德傳
華閥兄弟科名勵令猷素嶺日斜山色遠樊川秋
淨水痕收蓬蒿愧我甘株守空爲臨岐贈別愁

西郊枉過以卽事詩索和次韻奉答

返景明踈砌苔痕杖履過詩情真雋永秋氣轉清
和舊物青氈在新愁白髮多輸君有長策日許飲

無何

時君爲余
誦曉飲詩

原韻

大廩

青苔紛滿徑
屐齒少人過
雨歇花容淨
風微鳥語和
老來書不厭
醉後茗偏多
借問東頭客
哦詩興若何

古意

茜苔折來並
帶鴛鴦繡出雙
栖試看彎彎
月子窺人又到
窻西

對月二首

坐愛明月光
南樓敞清宴
猶是古時月
古人今不見
誦彼秋風辭
感茲嬖好扇
遐哉奔月人
獨爲結

璘羨

浮雲自南來翳此娟娟月丹桂月中生何爲操斧
伐蘭以薰而摧玉因續則折所以守雌人韜光甘
汨沒

野望

入望閒邨好牛羊下夕曛亂烟踈墮地遠樹密干
雲人意杳無極秋光淡不分樵歌更何處偏向隴
頭聞

去城

去城纔廿里已自絕囂塵湛露催紅葉涼風起白

蘋農桑堪沒世車馬更無人謝眺青山在吾將訪
隱淪

秋日四咏

紫玉簪

紫雲彷彿憶瑤池裊娜何從認素姿露下百函浸
玳瑁雨中千葉響琉璃獨標艷色新秋好別具風
情綠鬢宜最愛一樽相對處亂霞魚尾晚晴時

秋海棠

別種秋芳護短叢桃花人面總難同莓苔砌冷生
踈碧蟋蟀欄空細碎紅脆質常教愁日色艷情偏

自謝春工醉來銀燭誰相照腸斷湘簾五夜風

矮雞冠

藉草何如塙桀樓俯看難共薜堦齊蕭蕭有客談
陳寶寂寂何人笑會稽泣露從教丹幘聳籠烟全
並碧叢低他年若得尸鄉住也許而翁號祝雞

老少年

老向西風解駐顏鮮妍偏愛矮籬間回紅轉綠迷
初旭似火如花映遠山馬伏波應誇矍鑠老萊子
正衣斑斕年年秋色勞相望記取蕭蕭塞雁還

年一名
雁來紅

中秋對月

一年又今夕林表看初升雲淨明金餅天低轉玉
繩空堦蟲語寂深夜露華凝惆悵停杯處清寒思
不勝

八月廿八日作

淒切吟蛩候蕭條過雁初秋光朝漸肅樹色晚全
踈客去元卿徑蓬荒仲蔚居眼前經雨蝶憐爾復
蓬蓬

題宋詩紀事釋子詩後

曾記廬山社空參玉版師聞意一回讀心折九僧

詩

菜氣瘦權少清吟頗可多
西江數宗派更憶壁頭陀

述懷

小來遭腹負老去爲頭責
秋蛩得寒鳴黃楊逢閏
厄疑從蓬壺遊翻爲時俗役
回視列仙儒豈僅一塵隔

雨中過蘭谷曉園別墅訪菊未晤蘭谷却寄

秋風正蕭索秋雨更濛濛
訪菊出郭門衝泥踏南

陌傍入黃葉飛匝地紫苔積一窺陶潛籬遂過羅
含宅君意授園丁采摘莫予惜所惜未晤君悵然
念三益

再集佳興園呈紫瀾使君

名園復此一樽同雅集真堪對菊叢幽徑半留衰
艸碧疎林遙隔晚楓紅霑衣客到廉纖雨落帽寒
生跋扈風最是使君能好事看花時許寄詩筒

用韻和紫瀾使君南邨園看菊之作

主人種竹兼種菊客來看菊復看竹一時裙屐羅
英賢清華江左欽芳躅

時坐客半屬江左

就中高才推使

君風流何啻蘇玉局踈籬曲舍罷劇談興酣落華
傾珠玉更愛維鳳有清聲使君幼子詩成使我慚
卽席成詩
拙速時余詩
先成偏師一出酒陣嚴坐久翻嫌蓮漏促
歸途落木風蕭蕭襟袖猶疑散幽馥

佳興園看菊紫瀾使君幼子卽席成詩因

次韻奉贈

佳色離離白間紅吟來好句落秋風他年快覩斜
川集始信眉山孤自工

紫瀾使君招集再思堂看菊二首

左司燕寢清香裏彭澤閒情杯酒間誰道簿書妨

坐嘯黃花無限訟遑聞

東籬宿雨浥殘秋文譙清娛夜未休前輩風流猶
記取王揚州與宋黃州

書感

檐外蕭蕭雨未休清寒初試木綿裘茂陵久抱相
如病楚些深知宋玉愁看去橫斜梅欲放澆來壘
塊酒新篘差欣插架書千卷永夜踈檠自校讐

集陶二首簡諸同志

淒厲歲云暮百卉具已腓采菊東籬下懷此貞秀
姿衛生每苦拙得酒莫苟辭願言諸君子登高賦

新詩

自我抱茲獨淹留遂無成涼風起將夕中腸縱遙
情哀蟬無歸響來雁有餘聲得歡當作樂吁嗟身
後名

容參詩集卷十四